

Adroddiad i'r:	Pwyllgor Craffu Partneriaethau
Dyddiad y Cyfarfod:	14 Chwefror 2019
Aelod / Swyddog Arweiniol:	Aelod Arweiniol dros Safonau Corfforaethol Pennaeth Cynllunio a Gwarchod y Cyhoedd
Awdur yr Adroddiad:	Pennaeth Cynllunio a Gwarchod y Cyhoedd
Testun:	Adroddiad Diweddarau Partneriaeth Teledu Cylch Caeëdig Sir Ddinbych

1. Am beth mae'r adroddiad yn sôn?

- 1.1 Mae'r adroddiad hwn yn ymwneud â Phartneriaeth Teledu Cylch Caeëdig Sir Ddinbych a ddechreuodd ar 1 Ebrill 2016.

2. Beth yw'r rheswm dros lunio'r adroddiad hwn?

- 2.1 Lluniwyd yr adroddiad hwn i ddarparu'r wybodaeth ddiweddaraf i Aelodau am Bartneriaeth Teledu Cylch Caeëdig (TCC), y trefniadau llywodraethu sydd ar waith ar gyfer y Bartneriaeth, ei heffeithiolrwydd o ran darparu gwasanaeth, y cytundeb lefel gwasanaeth â Chyngor Gorllewin Caer a Chaer a'r gwaith sy'n cael ei wneud gan y Bartneriaeth i ddatblygu dyfodol mwy cynaliadwy.

3. Beth yw'r Argymhellion?

- 3.1 Bod Aelodau'n ystyried ac yn rhoi sylwadau ar gynnwys yr adroddiad ac yn parhau i gefnogi datblygiad y Bartneriaeth TCC.

4. Manylion yr Adroddiad

- 4.1 Dechreuodd Partneriaeth TCC Sir Ddinbych ar 1 Ebrill 2016 am gyfnod prawf o 12 mis. Mae'r bartneriaeth yn cynnwys Cyngor Tref y Rhyl, Cyngor Tref Rhuddlan, Cyngor Tref Prestatyn, Heddlu Gogledd Cymru a Chyngor Sir Ddinbych yn bartner arweiniol. Mae'r bartneriaeth bellach ar ei thrydedd flwyddyn.
- 4.2 Ffurfiwyd y Bartneriaeth yn dilyn penderfyniad y Cyngor i ddileu cyllideb y Gwasanaeth TCC fel rhan o'r broses gyllideb Rhyddid a Hyblygrwydd. Roedd Gwasanaeth TCC CSDd yn arfer bod yn wasanaeth TCC manau cyhoeddus a oedd yn cael ei fonitro 24 awr o'r dydd, 7 niwrnod yr wythnos, wedi'i leoli yng Ngorsaf Heddlu'r Rhyl yn ogystal â darparu gwasanaeth trin galwadau allan o oriau CSDd. Roedd ganddo dîm o 8 o weithredwyr TCC, arweinydd tîm a chyllideb o tua £300,000.
- 4.3 Yn dilyn penderfyniad y Cyngor i ddileu cyllideb y TCC, gweithiodd swyddogion â'r Cynghorau Tref perthnasol a Heddlu Gogledd Cymru i archwilio'r opsiynau er mwyn cadw'r gwasanaeth TCC yn y tair tref er bod cyllid craidd y Cyngor Sir wedi'i dynnu'n

ôl. Sefydlwyd y Bartneriaeth TCC newydd, a chaiff ei hariannu gan gyfraniadau ariannol gan y tri Chyngor Tref, Heddlu Gogledd Cymru ac incwm gan rai gwasanaethau CSDd sydd eisoes â camerâu TCC ar waith oherwydd rhesymau diogelwch a hefyd gan drydydd partiön allanol.

- 4.4 Mae cytundeb cyfreithiol ar waith ar gyfer y Bartneriaeth, wedi'i lofnodi gan yr holl bartneriaid.
- 4.5 Sefydlwyd Bwrdd Partneriaeth TCC a chaiff ei gadeirio gan Aelod Arweiniol y Cyngor dros Safonau Corfforaethol (y Cynghorydd Mark Young). Mae'r Bwrdd yn cyfarfod bob chwarter. Mae'r Bwrdd yn derbyn y wybodaeth ddiweddaraf am faterion gweithredol, adborth gan y Partneriaid yn ogystal â'r wybodaeth ddiweddaraf am y gyllideb.
- 4.6 Cadwyd yr holl gamerâu TCC yn y tair tref ac maent yn parhau i recordio 24/7, hynny yw nid yw'r camerâu'n cael eu monitro 24/7 bellach.
- 4.7 Mae'r Bartneriaeth newydd yn darparu gwasanaeth gwerthfawr a phwysig yn y tair tref. Mae'r adborth hyd yma wedi bod yn gadarnhaol iawn gan yr holl Bartneriaid. Nodwyd gan Heddlu Gogledd Cymru nad oedd cynnydd gweladwy wedi bod o ran troseddu ac anhrefn yn y tair tref ers dechrau'r bartneriaeth a'r dull newydd o ddarparu gwasanaeth TCC. Creda Heddlu Gogledd Cymru bod TCC yn bwysig er mwyn atal a chanfod troseddau yn yr ardal.
- 4.8 Er bod yr adborth wedi bod yn gadarnhaol hyd yma, roedd y Bwrdd yn gwerthfawrogi nad oedd y trefniadau yn gynaliadwy. Cyfnod prawf o 12 mis yn unig oedd hwn a derbyniwyd a deallwyd gan y partneriaid y byddai gwaith pellach yn angenrheidiol er mwyn datblygu opsiwn darparu gwasanaeth mwy cynaliadwy yn y tymor canolog. Mae hefyd wedi dod yn amlwg bod yr orddibyniaeth ar y Partner Arweiniol (CSDd) yn parhau.
- 4.9 Ystyriodd y Bwrdd ddwy agwedd mewn perthynas â dyfodol TCC yn Sir Ddinbych, sef gweithrediad y gwasanaeth TCC o ddydd i ddydd a hefyd TGCh y System TCC.

Gweithrediad y gwasanaeth o ddydd i ddydd

- 4.10 Roedd y Bwrdd yn awyddus i sicrhau dyfodol mwy cynaliadwy a chryf i TCC. Ar ôl ystyried sawl opsiwn gwahanol a phartneriaid posibl, dewiswyd Cyngor Gorllewin Sir Gaer a Chaer i ymgymryd â gwaith rheoli'r gwasanaeth o ddydd i ddydd ar gyfer y Bartneriaeth. Arwyddwyd cytundeb lefel gwasanaeth 3 blynedd rhwng y Bartneriaeth a Chyngor Gorllewin Sir Gaer a Chaer ac aeth y gwasanaeth yn fyw ym mis Gorffennaf 2018. Mae Cyngor Gorllewin Sir Gaer a Chaer yn mynychu pob cyfarfod Bwrdd TCC ac yn rhoi'r wybodaeth ddiweddaraf am eu gwaith i'r Bwrdd. Gweler Atodiad 1 am adroddiad diweddar gan Gyngor Gorllewin Sir Gaer a Chaer (mae'r adroddiad hwn wedi ei eithrio rhag datgeliad cyhoeddus yn rhinwedd paragraff 18 o Rhan 4 o Atodlen 12A Deddf Llywodraeth Leol 1972). Mae'r berthynas â Chyngor Gorllewin Sir Gaer a Chaer yn gadarnhaol tu hwnt.
- 4.11 Golyga hyn bod lluniau o'r holl gamerâu TCC yn Rhuddlan, y Rhyl a Phrestatyn bellach yn cael eu darlledu yng Nghaer. Mae gan Gyngor Gorllewin Sir Gaer a Chaer wasanaeth TCC 24/7 ac mae'n darparu gwasanaeth monitro adweithiol ar ran y Bartneriaeth, bydd yn ymateb i unrhyw sefyllfa 24/7, bydd â llwybrau cyfathrebu uniongyrchol â Heddlu Gogledd Cymru a bydd hefyd yn darparu monitro rhagweithiol

cyfyngedig er enghraifft yn ystod Sioe Awyr y Rhyl. Mae hyn yn welliant i'r gwasanaeth presennol sy'n cael ei ddarparu ac yn costio £13,500 y flwyddyn i'r Bartneriaeth.

- 4.12 Unwaith y bydd y gwasanaeth wedi'i sefydlu gyda Gorllewin Sir Gaer a Chaer, bydd y Bartneriaeth yn cysylltu â Chynghorau Tref a Dinas i weld a ydynt yn dymuno ymuno â'r Bartneriaeth. Golyga hyn y byddai'n rhaid i'r Cynghorau Tref a Dinas dalu unrhyw gostau cychwynnol h.y. costau sefydlu, camerâu newydd ac ati a chyfraniad blynyddol i'r Bartneriaeth yn seiliedig ar niferoedd y camerâu sydd ganddynt. Mae'r Bartneriaeth eisoes wedi cael trafodaethau cynnar gydag un Cyngor Tref sy'n awyddus i ymuno.

TGCh / Gweinydd

- 4.13 Roedd y gweinydd yn yr ystafell reoli yng Ngorsaf Heddlu'r Rhyl yn hen ac nid oedd yn gweithio fel ag yr oedd yn y gorffennol. Fe ddaeth yn amlwg i'r Bwrdd y byddai gosod gweinydd newydd yn angenrheidiol er mwyn sicrhau system TCC a oedd yn fwy cynaliadwy a chryf. Byddai hyn yn lleihau'r risg o'r gweinydd yn methu a fyddai'n atal unrhyw wasanaeth TCC pellach. Llwyddodd CSDd i ddod o hyd i arian ar ran y Bartneriaeth drwy ei broses fenthyca darbodus a gosodwyd gweinydd newydd am tua £70,000. Mae'r Bartneriaeth yn talu'r benthychiad yn ôl fesul blwyddyn am 7 mlynedd drwy'r incwm sydd wedi'i ddiogelu gan bartneriaid.
- 4.14 Yn ddiweddar, mae'r Bwrdd hefyd wedi cytuno ar raglen rhesymoli/ blaenoriaethu camerâu. Cyflwynwyd adroddiad i'r Bwrdd yn ceisio cytundeb ar gyfer rhaglen atgyweirio camerâu yn y dyfodol i flaenoriaethu cyllid cyfyngedig y bartneriaeth ar y camerâu pwysicaf. Gwneir hyn mewn ymgynghoriad llawn â Heddlu Gogledd Cymru.
- 4.15 Bu'r adroddiad o gymorth i flaenoriaethu 32 o gamerâu o fewn y Rhyl, Prestatyn a Rhuddlan yn seiliedig ar eu blaenoriaeth troseddu ac anhrefn a phwysigrwydd cymunedol. Mae'r 48 camera sy'n weddill wedi cael eu categorio fel blaenoriaeth is ac os ydynt yn torri ni fyddant yn cael eu hatgyweirio neu eu newid.

Llywodraethu

- 4.16 Fel y crybwyllwyd yn flaenorol, mae gan y Bartneriaeth Fwrdd. Mae gan bob Partner gynrychiolydd ar y Bwrdd. Mae'r Pennaeth Cynllunio a Gwarchod y Cyhoedd yn 'hwyluso/cefnogi'r' Bwrdd.
- 4.17 Cafodd y Bartneriaeth TCC ei harchwilio'n ddiweddar gan Adain Archwilio Mewnol CSDd ar ein cais ni er mwyn gwirio sut y caiff y bartneriaeth ei gweithredu, ac yn bennaf, sut y caiff ei llywodraethu.
- 4.18 Gellir gweld yr adroddiad archwilio yn Atodiad 2, fodd bynnag, roedd yr archwiliad yn gadarnhaol ar y cyfan, gyda 3 cam gweithredu i'w cwblhau. Mae dau eisoes wedi'u cwblhau'n llawn ac un wedi'i gwblhau'n rhannol.

5. Sut mae'r penderfyniad yn cyfrannu at y Blaenoriaethau Corfforaethol?

- 5.1 Nid yw'r penderfyniad hwn yn cyfrannu'n uniongyrchol at flaenoriaeth gorfforaethol, fodd bynnag, mae'n esiampl o fodel darparu amgen i ddarparu gwasanaeth i'r gymuned.

6. Faint fydd hyn yn ei gostio a sut fydd yn effeithio ar wasanaethau eraill?

6.1 Mae'r holl gostau wedi'u cynnwys o fewn cyllideb y Bartneriaeth TCC a chaiff ei ariannu drwy incwm sy'n dod i'r Bartneriaeth.

7. Beth yw prif gasgliadau'r Asesiad o'r Effaith ar Les?

7.1 Nid oes angen asesiad am nad oes penderfyniad yn cael ei wneud.

8. Pa ymgynghoriadau a gynhaliwyd gyda Chraffu ac eraill?

8.1 Mae'r broses ymgynghori wedi'i chwblhau â Bwrdd Partneriaeth TCC Sir Ddinbych.

9. Datganiad y Prif Swyddog Cyllid

9.1 Nid oes goblygiadau ariannol uniongyrchol i'r adroddiad a bydd yr holl gostau yn parhau i gael eu cynnwys o fewn cyllideb y Bartneriaeth TCC

10. Pa risgiau sydd yna ac oes yna unrhyw beth y gallwn ei wneud i'w lleihau?

10.1 Mae cofrestr risg fanwl wedi'i chwblhau gan y Bartneriaeth TCC a bydd yn cael ei chynnal a'i hadrodd yn rheolaidd i'r Bwrdd.

11. Pŵer i wneud y Penderfyniad

11.1 Mae Adran 7.4.1 (d) o Gyfansoddiad y Cyngor yn amlinellu pwerau Craffu mewn perthynas ag adolygu polisiâu, gan gynnwys archwilio ymgysylltiad y Cyngor â sefydliadau allanol eraill sy'n gweithredu yn yr ardal er mwyn sicrhau bod diddordeb y bobl leol yn cael eu cynyddu drwy gydweithredu.

Swyddog Cyswllt:

Pennaeth Cynllunio a Gwarchod y Cyhoedd

Ffôn: 01824 706350